

永昌吳立隋書地理志零陵縣注廢永昌縣入焉

漫郎宅在縣南浯溪上浯溪考漫郎故宅在浯溪東上元中元結罷道州歸愛其山水家焉曹輔詩崑臺倚溪雲居亭枕溪石小石競奇麗中有漫郎宅

磨崖碑在縣南浯溪上集古目錄大唐中興頌元結撰顏真卿書字尤奇偉而文詞古雅碑在永州宣和書譜顏真卿忠貫白日識高天下千變萬化各具一體若中

興頌之闕偉筆力迥異廣川書跋中興頌刻永州浯溪上斷崖石刻之刺史元結撰結以能文卓然振起衰陋故頌國之中興頌成乞書顏太師太師以書名於時而此尤瑰偉故世貴之今數百年蘇封葑固遠望雲烟其